

**Uunga siunnersuut: Inuit innarluutillit tapersorsorneqarnissaannut Inatsisartut
inatsisaat nr. xx, xx. xxx 2019-imeersoq.**

*(Peqqissutsimut, Isumaginninnermut Inatsisinillu Atuutsitsinermut Naalakkersuisumit
saqqummiunneqartoq)*

pillugu

Ilaqtariinnermut Peqqissutsimullu Ataatsimiititaliap

siunnersuutip aappassaaneerneqarneranut

ISUMALIUTISSISSLUTAA

Ataatsimiititaliap suliarinninnermini makku ilaasortarai:

Inatsisartunut ilaasortaq Laura Táunâjik, Siumut, siulittaasoq

Inatsisartunut ilaasortaq Stine Egede, Inuit Ataqatigiit, siulittaasup tullia

Inatsisartunut ilaasortaq Karl-Kristian Kruse, Siumut

Inatsisartunut ilaasortaq Nivi Olsen, Demokraatit

Inatsisartunut ilaasortaq Malene Vahl Rasmussen, Demokraatit

Inatsisartunut ilaasortaq Mikivsuk Thomassen, Inuit Ataqatigiit

Inatsisartunut ilaasortaq Aqqa Samuelsen, Inuit Ataqatigiit

UPA 2019-imi ulloq 2. marts 2019-imi siullermeerinninnerup kingorna ataatsimiititaliap siunnersuut sukumiisumik misissorpaa.

1. Siunnersuutip imarisaa siunertaalu

Inatsisissatut siunnersuutip annertuumik innarluutillit ikiorserneqartarnerat pillugu Inatsisartut peqqussutaat atuuttoq nr. 7, 3. november 1994-imeersoq kingusinnerusukkut allannguiteqartinneqartoq taarsissavaa. Inatsisissatut siunnersuut kapitalinut 20-inut aggornilersorneqarpoq aalajangersakkanillu 78-inik imaqlarluni.

Inatsisissatut siunnersuut ulloq 1. januar 2020-imi atuutilersinneqassasoq siunnersuutigineqarpoq.

Siunnersummi kapitali 1, § 1, naqinnerit 1-5 malinneqarnissaat inatsisissatut siunnersummi siunertarineqarpoq anguniarneqarlunilu, ilaatigut siunertarineqartut pillugit ima allassimasoqarluni:

1

Innarluuteqarnerup malitsigisaanik ajornartorsiutit pillugit inuit innarluutillit siunnersorneqarnissamik tapersorsorneqarnissamillu neqeroorfigineqarnissaannik qulakkeerinnittoqarnissaa inatsisissatut siunnersummi siunertarineqarpoq.

2

Inuup innarluutillip imminut ikiorsinnaanissaanik imaluunniit ulluinnarni inuuneranik oqilisaassinissamik taamalu inuunerinnerulernissaanik inatsisissatut siunnersummi siunertarineqarpoq.

3

Inunnut ataasiakkaanut periarfissaappat inuup innarluutillip ineriertorsinnaanissaanik aamma piginnaasai naapertorlugit nammineq periarfissaqarfiinik atorluaasinjaanissamik siuarsaanissaq inatsisissatut siunnersummi siunertarineqarpoq.

4

Inuit innarluutillit naligiimmik periarfissaqarnissaasa aammalu innarluuteqarneq pissutigalugu assigiinngisitsinerup akuersarneqannginnissaanik, matumanilu inuit innarluutillit sapinngisamik inuiaqtigiinni tamakkiisumik sunniuteqarluartumillu peqataanissaasaakuunissaasalu qulakkeerneqarnissaa inatsisissatut siunnersummi siunertarineqarpoq.

5

Inuk innarluutilik ilinniarnissaminut sulisinnaanissaminullu periarfissaasa siuarsarneqarnissaannik inatsisissatut siunnersummi siunertarineqarpoq.

Inuit innarluutillit tamarmik sullinneqarnerat inatsisitigullu illersugaanissaat siunnersummi nukittorsarneqarnissaa pingaarnertut saqqummiussisummi tapiliussatut allassimavoq. Matumi pineqartumi ersarissumik akisussaafimmik suliassanillu agguassisareq eqqarsaatigalugu.

Inuit innarluutillit pisinnaatitaaffii pillugit Naalagaaffiit Peqatigiit isumaqtigiissutaat siunnersummi pingaarnertut tunngavigitinneqassasoq nalinginnaasumik oqaaseqaatini saqqummiussisummi aallarniutitullu Naalakkersuisut saqqummiuppaat.

2. Siunnersuutip Inatsisartunit siullermeerneqarnera

Inatsisissatut siunnersuut ulloq 22. marts 2019-imi siullermeerneqarpoq inatsisissatullu siunnersummi pingaarnertut siunertarineqartut ataatsimut isigalugu tapersorsorneqarlutik. Siunnersuut siullermeerneqarnermini Ilaqtariinnermut Peqqissutsimullu Ataatsimiititaliamut

suliarineqartussanngorlugu innersuussutigineqarpoq. Siuunnersuummik
 aappassaaneerinissamut isumaliutissiisummik Ilaqtariinnermut Peqqissutsimullu
 Ataatsimiitaliami suliarineqartussamik siunnersuummik siullermeerinermi apeqqutinik
 arlalinnik, teknikkikku naalakkersuinikkullu ajornartorsiutik qaqitsisoqarpoq. Inuit
 innarluutillit qanigisaasalu atugaasa annertunerusumik pitsangorsarlugillu
 nukittorsarneqarnissaat arlalitsigut naalakkersuinikkut eqqumaffigineqartariaqarpoq, suliassat
 akisussaaffiullu inissinneqarnissaanut kiisalu kommunini sulianik isumaginninnerup,
 matumani ilanngullugu sulisut sulisullu piginnaasaasa attatiinnarneqarnissaannut tunngatillugu
 ernumanartoqartoq siullermeerinermi aamma takutinneqarpoq. Kommunini
 aningaasakilliortoqarneratigut atukkat ajorseriaateqarnerisigut innarluutillit
 sanngiinnerusarnerat aammalu misigisaraat ilanngullugu oqaatigineqarpoq. Tapersersortit
 aningaasarsiaqartinneqartarnerannut tunngatillugu ilinniarsimannngitsunut SIK naapertorlugu
 aningaasarsiaritinneqartartut annikinnerpaaffianik matumani taamaallaat
 aningaasarsiaqartinneqarnissaat nangaanartinneqartoq siullermeerinermi ilanngullugu
 saqqummiunneqarpoq.

3. Tusarniaaneq tusarniaanermilu akissuteqaatit

Tusarniaanermi akissutigineqartut inatsisisattut siunnersuummut ilanngussatut ilanngunneqarput, taamaattumik ilusiliineq Inatsisartut siulittaasoqarfiaita ilusiliinissamut piumasagaataanut naapertuulluni.

Siunnersuut piffissami 4. oktober-miit 8. november-imut ukununnga tusarniaassutigineqarsimasoq ataatsimiitaliamit maluginiarneqarpoq:

Namminersorlutik Oqartussani Naalakkersuisoqarfait tamarmik, Kommuneqarfik Sermersooq, Kommune Kujalleq, Qeqqata Kommunia, Avannaata Kommunia, Kommune Qeqertalik, Isumaginninnermut Naammagittaalliuuteqartarfik, Tilioq –Innaluutillit Illersuisuat, Inuit Pisinnatitaaffinut Kalaallit Nunaata Siunnersuisoqatigiivi, Inuit Pisinnatitaaffinut Institut, Pinerlussimasunik Isumaginnittoqarfik, Kalaallit Nunaanni Politit, IMAK, SPS, NISIIP, SIK, Kalaallit Nunaanni Naligiissitaanermut Siunnersuisoqatigiit, Kalaallit Nunaanni Timersortartut Kattuffiat, MIO/Meeqqat Illersuisuat, Foreningen Grønlandske Børn, Sorlak, MIBB, Nuna tamakkerlugu peqatigiiffik INOOQAT, ISI, Kræftens bekæmpelse, KNIPK, Nuna tamakkerlugu peqatigiiffik Autisme – Immikkoortortaqarfik Kalaallit Nunaat, KTK, Sugisaq, Nunatsinni Perorsaasut Kattuffiat, Atofillit Kattuffiat

Siunnersuut tusarniaanerup nalaani pisortat tusarniaavianni tusarniaassutigineqarsimanera ataatsimiitaliamit naammagisimaarlugu maluginiarneqarpoq.

Ataani allassimasut tusarniarneqartut 19-t siunnersuutip tusarniaassutigineqarnerani akissuteqarput:

Qeqqata Kommunia, Kommune Kujalleq, Kommuneqarfik Sermersooq, matumani ilanngullugu kommunenimi innallutilinnut tunngasunik suliaqartut, Kalaallit Nunaanni Timersortartut Kattuffiat, Isumaginninnermut Naammagittaalliuuteqartarfik, KNIPK, SIK, Nuna tamakkerlugu peqatigiiffik INOOQAT, Tilioq –Innarluutillit Illersuisuat, Peqqissutsimut Naalakkersuisoqarfik, Aningaasaqarnermut Naalakkersuisoqarfik, ISI, MIO/Meeqqat Illersuisuat, IMAK, Meeqqat Iuunerissut/Bedre Børneliv, PKK (Det Grønlandske Sundhedskartel), Kalaallit Nunaanni Politiit, Nuna tamakkerlugu peqatigiiffik Autisme – Immikkoortortaqarfik Kalaallit nunaat, Inuit Pisinnaatitaaffiinut Instituti,

Siunnersummut tusarniaanermi akissuteqartut Namminersorlutik Oqartussat Naalakkersuisoqarfii ikittuinnaat akissuteqarsimasut ajuusaarutigalugu ataatsimiitaliamit maluginiarneqarpoq. Tamanna ajuusaarnarpoq, inuimmi innarluutillit atugaat taakkununngalu tapersersuineq innuttaasut pisariaqartitaannut tamakkiisumik nalilersuiner mik tunngaveqartussaammat. Aatsitassaqarnermut Suliffeqarnermullu Naalakkersuisoqarfik aamma Ilinniartitaanermut, Kultureqarnermut Ilageeqarnermullu Naalakkersuisoqarfik siunnersummut oqaaseqaateqanngilaq, tamanna eqqumiigineqarsinnaavoq. Kommunit ilaannaat kisimik siunnersuut oqaaseqarfigimmassuk ataatsimiitaliamit ilanngullugu maluginiarneqarpoq.

Tusarniaanerup ingerlanneqarsimanera ataatsimut isigalugu ataatsimiitaliamit tusaatissatut tiguneqarpoq tusarniaanermilu akissuteqartunut qujalluni.

4. Siunnersuutip ilusiligaanera

Inatsisisatut siunnersuutip UPA 2019-imili nassiunneqarmalli ilusiligaanerata pitsaassusaa annertunerusumik qulakteerniarlugu inatsisit kalaallisut oqaasertalersugaanerat immikkut sammineqarsimasut ataatsimiitaliamit ilisimaneqarpoq.

13. februar 2019-imil inatsisisatut siunnersummut taartissamik iluarsiisummik ulloq 12. marts 2019-imil agguassisoqarpoq. Siunnersuutip kalaallisuuani oqaatsitigut annikitsumik naqqiuteqarnerit saniatigut siunnersuummi § 11, imm. 1, nr. 3 aamma § 44, oqaaseq “allanngutsaaliuilluni sungiusarneq” ukuninnga “piginnaanngorsaaneq”-ermik aamma “piginnaanngorsaqqinneq”-ermik taarserneqarpoq. Inatsisartut allattoqarfianni nutserisut kukkunersiunerisigut inatsisip kalaallisoortaani aaqqiinerit ingerlanneqarput, imarisamigullu allanngortinneqarani.

Taamatuttaaq inatsisisatut siunnersuutip allassimaneranut iluarsiinerup kingunerisaanik siunnersuummi 13. februar 2019-imil nassuaatigineqartunut iluarsiissutit ulloq 12. marts 2019 agguanneqarput.

5. Ataatsimiititaliap siunnersummik suliarinninna

Siunnersummik ataatsimiititaliap suliaqarnera ulloq 18. marts 2019-imi siunnersuutip ilusiligaanerata misissorneqarneranik aallartinneqarpoq. Siunnersummik naalakkersuinikkut naliliisoqartinnagu ataatsimiititaliamit suussusersineqarsimasunik inatsisissatut siunnersummik misissuinermi saqqummiussisoqarpoq, inatsissatullu siunnersuut sukumiinerusumik misissorneqarluni aammalu tamatuma ilusiligaanera ilanngullugu, aalajangersakkat aammalu atukkat pingaartillugit sammineqarlutik.

Ulloq 1. april 2019 ataatsimiititaliaq aamma Nunatsinni Inuit Innarluutillit Kattuffiat (NIK) ataatsimeeqatigiippuit, ulloq 9. november 2018-mi nuna tamakkerlugu innarluutillit peqatigiiffiinit sisamaasunit aallartinneqartoq.

1. INOOQAT – Nunatsinni ineriaorterpermikkut kingusissut angajoqqaavisa peqatigiiffiat
2. ISI – Nunatsinni tappiitsut isigiarsuttullu peqatigiiffiat
3. Kalaallit Tusilartut Kattuffiat (KTK)
4. Nuna tamakkerlugu peqatigiiffik Autisme – Immikkoortortaqarfik Kalaallit Nunaat.

Ulloq 12. december 2018 peqatigiiffik Sugisaq NIK ilaasortat tallimaattut ilanngunneqarpoq.

Ulloq 8. april 2019 ataatsimiititaliap Innarluutillit Illersuisuanik ataatsimeeqateqarpoq.

Tamatuma saniatigut siunnersuut Ilaqtariinnermut Peqqissutsimullu Ataatsimiititaliamit ataatsimiittarnermini arlaleriarluni eqqartorneqartarlunilu suliarineqartarpooq.

5.1.Siunnersuut pillugu ataatsimiititaliap aallarniutigalugu oqaaseqaatai isumaliutaalu.
Annertuumik innarluutilinnut ikorsiisarneq pillugu Inatsisartut peqqussutaat nr. 7, 3. november 1994-imeersup taartissaanik inatsisissatut siunnersuut sivisuumik utaqqineqarsimasumik saqqummiisoqarnera aallarniutigalugu ataatsimiititaliamit nuannaarutigineqarpoq.

Ukiuni kingullerni 25-ini innarluutilinnut atugassarititaasut annertuumik ineriaortorsimapput, taamaattumillu piffissanngorpoq inatsisitta naleqqussarneqarnissaanut nutarterneqarnissaanullu, taamaalilluni ineriaartoqataasinnaaqqullugu, tamatumunnga ilanngullugit periarfissat aamma pisussaaffit kiisalu naalakkeruisunikkut siunniussat anguniakkallu.

Siunnersummi pingaarnertut siunertarineqarlutik saqqummiunneqartut ataatsimiititaliamit tapersersorneqarput. Saqqummiussisummi oqaatigineqartut ataatsimiititaliamit isumaqtigineqarput, taamaattumik siunnersuutikkut *inuit innarluutillit taakkununngalu ilaquaasut illersorneqarlutillu ikiorserneqassapput*, taamaaliornikkullu innuttaasoq suliniuteqarnermi qitiutinnejqassalluni, taamaaliornikkullu ilaquaasut peqataatinneqarlutik ataasiakkaatut tamakkiisumillu tapersersuinissamut tunngavileeqataassalluni peqataassallunilu. Inunnut innarluutilinnut inatsisitigut isumannaatsumik inissisimanissaq sullissinissarlu

namminermi tapersorsorneqarnissaa ilanngullugu siunnersummi siunertaavoq.

Tulliuttuni immikkullarissumik pisimasut, aalajangiinernut, nalunaaruteqarnernut, suliniuteqarnernut, siunnersuuteqarnernut, suliassanut, allanullu innarluuteqarnermut tunngasuteqartunut atatillugu ukiuni kingullerni pingaarutilimmik pisoqarfiusimasoq siunnersummik matuminnga suliaqarnermi ataatsimiititaliamit immikkut maluginiarneqarpoq:

► Inuit innarluutillit pisinnaatitaaffii pillugit Naalagaaffiit Peqatigiit Isumaqtigiiissutaat.

Inuit innarluutillit pisinnaatitaaffii pillugit Naalagaaffiit Peqatigiit Isumaqtigiiissutaat ulloq 13. december 2006-imi Naalagaaffiit Peqatigiit ataatsimeersuarneranni akuersissutigineqarpoq. Danmarkip isumaqtigiiissut Kalaallit Nunaannut nanganerteraqanngitsumik ulloq 24. august 2009-mi atuutilersumik atortussangortippaa, taamaaliornikkut Naalagaaffiit Peqatigiit innarluutillit pillugit isumaqtigiiissutaat piffissami tassani Kalaallit Nunaannut atuutilersinneqarpoq. UKA 2012/101 pillugu aalajangiiffigisassatut siunnersuutip akuerineqarneratigut pisortatigoortumik Isumaqtigiiissut nanganerteraqanngitsumik Kalaallit Nunaata ilannguffigaa.

Ataatsimut isigalugu ima isumaqarpoq, inuit innarluutillit pisinnaatitaaffii pillugit Naalagaaffiit Peqatigiit Isumaqtigiiissutaanut eqqartuussiveqarneq pillugu maleruagassanut allaffissornikkullu naapertuuttumik naleqqussarnissamut tulluarsarnissamullu Kalaallit Nunaat pisussaaffeqarpoq.

► Innarluutilinnut isumaqtigiiissutip kommuninut nuunneqarnera.

1. januar 2011 aallarnerfigalugu innarluutilinik isumaginninneq kommuninut nuunneqarpoq. Ulloq 14. april 2016-imi innarluutillit isumagineqarnerisa nuunneqarnerata nililiivigineqarnera tamanut saqqummiunneqarpoq. Naliliisimaneq pillugu nalunaarusiami paassisutissiissutigineqartoq naapertorlugu naliliineq siumut isigisumik perusissiamik iliuusissatullu pilersaarummik ilaatigut pingartumik isumaginninnikkut ilinniarsimasat, sulianik isumaginninnerup il.il. nukittorsarneqarnissaanik malitseqartussaq.

► Inuit innarluutillit pisinnaatitaaffii pillugit Naalagaaffiit Peqatigiit isumaqtigiiissutaat pillugu nassuaat.

Nalunaarusiaq pineqartoq Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfiusoktober 2012-imi saqqummersippaa.

► Kalaallit Nunaanni Inuit Pisinnaatitaaffii – 2016-imi killiffik.

Inuit Pisinnaatitaaffiinut Kalaallit Nunaata Siunnersuisoqatigiivisa Inuit Pisinnaatitaaffiinut

Ingerlatsivik peqatigalugu *meeqqat inuusuttullu innarluutillit tikikkuminaartuunissaq, ilinniartitaanerlu* immikkut killiffik pillugu nalunaarummi pineqartumi kapitali 4-mi sammineqarpoq. Matumani malittarisassat atuuttut inunnut innarluutilinnut sanilliullugu Naalagaaffit Peqatiguit isumaqatigiissutaat matumani aallaavagineqarpoq.

► Innarluutilinnik sullissinerup killiffia pillugu Naalakkersuisut nassuaataat.

Siunnersuutip matuma saqqummiunneqannginnerani innarluutilinnik sullissinerup killiffia pillugu Naalakkersuisut nassuaataat kingulleq ulloq 18. august 2016-mi tamanut saqqummiunneqarpoq.

► Kalaallit Nunaat Innarluutilinnut Illersuisoqalerpoq.

Innarluutillit Illersuisuannik Inunnut Innarluutilinnut illersuisoqarfimmik ingerlatsisussaq pillugu inatsisissatut siunnersuut UPA 2017-imi Inatsisartunit akuerineqarpoq. Ulloq 1. november 2017 Kalaallit Nunaanni siullersaalluni Innarluutillit Illersuisuat sulilluni aallartiippoq. Innarluutillit Illersuisoqarfiat atserneqarpoq TILIOQ. Innarluutillit Illersuisuatta sulinissaanut sammineqartussallu aallartinneqareersunut Inunnut Innarluutilinnut tunngasut sammitinneqartuarnissaat Naalakkersuinermik suliaqartunit annertuumik isumalluarfigineqarpoq.

► Nuna tamakkerlugu Inunnut Innarluutilinnut Sulissivik.

Nuna tamakkerlugu Innarluutilinnut Qitiusumik Sulissivik – Pissassarfik – Sisimiuni ulloq 19. Februar 2018-imi ammarneqarpoq. Pissasarfik inunnut innarluutiqartunut nuna tamakkerlugu ilisimasanik, siunnersuisarfrittut sungiusarfittullu atuutissaaq, innarluutilinnut tunngasuni qanigisaasunullu aamma sulisunut tunngasut nikittorsarneqarnissaannut sammisassarpassuaqarpoq. Nuna tamakkerlugu Innarluutilinut qitiusumik sulissivimmi pissutsit Inatsisartut inatsisaanni §§ 11 -12 aamma siunnersummi § 44 malinneqarput.

► Innarluutilinnik sullissinermi sulisut ilinniartinneqarnissaat, ilinniaqqinnissaat pikkorissartinneqartarnissaallu qulakkeerniarlugu periusissiap iliuusissatallu pilersaarutip akuerineqarnera.

UPA 2014/111-mut aalajangiiffigisassatut siunnersuut UPA 2014-imi Inatsisartut akuersissutigaat, taamaattumik innarluutilinnik sullissinermi sulisut ilinniartinneqarnissaannik piginnaasaasalu qaffassarneqarnissaannut pisariaqartitsineq aallaavigalugu UPA 2015-imi innarluutilinik sullissinermi sulisut ataavartumik ilinniartitaanissaannut, ilinniaqqinnissaannut pikkorissarneqarnissaannullu pisariaqartitanik siumut isigisumik naammassininnissamut periusissiamik iliuusissatallu pilersaarummik saqqumiussisoqarpoq.

► Inuit innarluutillit taakkulu qanigisaasa atugaasa Inatsisartunit sammineqarnerat.

Innarluutilinnut tunngasumi inatsit, inuit innarluuteqartut atugaasa nukittorsarneqarnissaannik kiisalu inuit innarluutillit qanigisaasa atugaasa pitsangorsarneqarnissaannik sammisaqluni

ingerlaavartumik oqallittoqarlunilu siunnersuummik suliaqartoqarpoq. Tamatumunnga ilanngullugu innarluutilinnut tunngasuni soqtigisaqarnertik tamatumalu nukittorsarneqarnissaa eqqumaffigineqarnissa ingerlaavartumik allakkatigut apeqquteqartarnermikkut Inatsisartunut ilaasortat takutittarpaat. Innarluutilinnut tunngasut nukittorsarneqarnissaat pillugu naalakkersuinikkut kissaatigineqartut amerlammata ataatsimiititaliamit maluginiarneqarpoq.

► Ataatsimeersuarneq isumasioqatigiinnerlu.

Inuit innarluuillit qanigisaasa akornanni suleqatigiinnerup nukittorsarneqarnerata kingunerisaanik innarluutilinnullu tunngasutigut naalakkersuinikkut sammisaqarnerulererup innarluutilinnut pillugit ataatsimeersuartererit isumasioqatigiittarnerillu ukiut ingerlanerini ingerlannneqartarput. Aaqqissuussinerit ataatsimut pitsangorsaanissamik ineriaartornernillu pisariaqartinneqartunik erseqqissaqaqataasut. Ukiuni kingullerni aaqqissuussinerit ataani allassimasut erseqqissaatigineqarput:

- Ulloq 26. marts 2014 Nuummi ataatsimeersuarneq. *Kalaallit Nunaanni ineriaartornermikkut akornutillit ullumikkut – unammilligassat periarfissallu.*
- Meeqqat inuuusuttullu ineriaartornermikkut akornutillit pillugit ulluni 14.-15. juni 2014 Nuummi isumasioqatigiinneq.
- Ulluni 17.-19. marts 2017 Nuummi autisme pillugu ataatsimeersuarneq.
- Ulluni 22.-23. marts 2017 Nuummi tarnikkut nappaatit pillugit ataatsimeersuarneq.

Aaqqissuussinerit allat aamma taaneqarsinnaagaluarput, qulaanili taaneqartut Kalaallit Nunaannut atatillugu innarluutilinnut tunngatillugu naalakkersuinikkut samminninnermut ersiutaasutut oqaatigineqarsinnaapput.

5.1.1. Apeqqutit

Ataatsimiititaliap siunnersuummik suliqarnerminut atatillugu apeqqutit arlarllit akeqquillugit pillugu Peqqissutsimut, Isumaginninnermut Inatsisinillu Atuutsitsinermut Naalakkersuisoq qinnuigaa.

Siunnersummut atatillugu inatsisisstatut siunnersuutip ilusiligaaneranik misissuinermit apeqquteqarneq siulleq ingerlanneqarpoq.

Peqqissutsimut, Isumaginninnermut Inatsisinillu Atuutsitsinermut Naalakkersuisumit 15. marts 2019-imi akissuteqaataata assilinera **ilanngussaq 1**-itut ilanngunneqarpoq.

Naqinnernik ilisarsisinnaanngitsut pillugit Peqqissutsimut, Isumaginninnermut Inatsisinillu Atuutsitsinermut Naalakkersuisup 5. april 2019-imi malitseqartitsilluni akissuteqaataa **Ilanngusaq 2-tut** ilanngunneqarpoq.

Siunnersummik siullermeerinerup kinguninngua apeqquteqarnerup aappa ingerlanneqarpoq.

Peqqissutsimut, Isumaginninnermut Inatsisinillu Atuutsitsinermut Naalakkersuisumit 24. april 2019-imi akissuteqaataata assilinera **Ilanngussaq 3-itut** ilanngunneqarpoq.

Siunnersummik suliaqarnermi akissuteqaatit tunniunneqartut aalajangiinissamut tunngaviliiniarnermi ataatsimiititaliamut qularunnaarsitseqataasimasut ataatsimiititaliamit uppernarsarneqassaaq.

5. 2. Inatsisissatut siunnersuutip saqqummiunneqartup ataatsimiititaliamit sukumiinerusumik naliliivigineqarnera.

5.2.1. Siunnersummi siunertarineqartoq anguniarneqartullu.

Siunnersummi §§ 1-5-imi siunertarineqartut anguniakkallu tunngaviusumik ataatsimiititaliamit tapersorsorneqarput. Siunertarisaanut anguniarneqartutullu saqqummiunneqartut malinneqarnissaat eqqarsaatigalugu qularnangitsumik unammillernartoqassaaq, taamaattumik siunertarineqartoq anguniakkallu allanneqartut tamarmik aammalu piviusungortinneqarnissaasa qulakteerneqarnissaannut siunnerfilimmik periusissiamik immikkullu suliniuteqarnissamik siunnersuut malitseqartinneqartariaqarpoq. Siunertaq anguniakkallu inunnut ataasiakkaanut pineqartunullu suna pitsaanerunersoq aallaavigineqarsimasoq ataatsimiititaliamit immikkut maluginiarneqarpoq. Innuttaasunut innarluuteqartunut tamakkiisumik isiginnilluni ataqtigisiassoqartariqarpoq eqqarsartoqartariaqarpoq, aammalu suliniutigineqartunut ataqtigisiassoqartariaqarpoq pisortaniillu aammalu oqartussat allat akornanniit ataqtigisiassoqartariaqarluni.

Innarluutilinnut tunngasuni kisitsisinik ilisimasanillu allanik katersineq suliniuteqarfingineqassaaq, taamaaliornikkut nuna tamaat naalakkersuinermik suliniuteqartunit inatsisip atortuulersinneqarnera malinnaavigineqarsinnaaqqullugu, pisariaqartitsinerlu naapertorlugu atugarissaarnerup ineriaartortinneqarnissaa siunertarineqartut takorluukkallu ingerlaqtiginnissaasa qulakteerneqarnissaat ilanngullugu periarfissinneqarsinnaaniassammata. 14. april 2016-imi Ilisimatitsinermi innarluutilinnik isumaginninnerup nalilersorneqarnerata nassuiarneqarnera toqqaannartumik piviusumillu paassisutissiissutigineqarpoq, innarluutillit pillugit kisitsisit paassisutissat piffissami, pitsaassutsimikkut amerlassutsimikkullu pisariaqarsimasut taamaannissaatalu aalajangiisunissaa ataatsimiititaliamit pingartinneqarpoq. Siunnersummi § 76 ataatsimiititaliamit maluginiarneqarpoq, taamatullu isikkoqartillugu ataatsimiititaliap

tapersorsorpa. Siunnersummi § 76, imm. 2 naapertorlugu *kisitsisitigut paasissutissat* aaneqartussat pillugit Naalakkersuisut *malittarisassiornissamut* pisussaaffilerneqarput.

Piginnaatitisisut tamanna sapingisamik piaartumik Naalakkersuisunit atorneqalernissaa ataatsimiititaliamit **kaammattuutigineqassaaq**, taamaalliornikkut amerlassutsinik pitsaassutsinillu kisitsisitigut paasissutissanik pissarsisoqarsinnaanera qulakkeerneqarsinnaaqquallugu.

Inuit innarluutillit ilinniartitaanerannut suliffeqarnerannullu tunngatillugu annertunerusumik paasissutissanik pissarsiniarnissap pisariaqartinneqarnera naalakkersuinikkut erseqqissaatigineqassaaq, taamatuttaaq siumut isigisumik ulloq unnuarlu neqeroorutinik allanillu inunnut innarluutilinnut tapersersuutaasinjaasunut il.il. ineriartortitsinermi atugassanik aningaasaliinissarlu eqqarsaatigalugit pineqartumi paasissutissanik pisariaqartitsisoqarpoq.

Inunnut innarluutilinnut siunnersummi § 4 piumasaqaataasut naapertorlugit namminneq inigisaminni najugaqarfinniluunniit neqeroorutigineqartuni naleqquttumik ikiorserneqarnissamut periarfissaqaqarnera ataatsimiititaliamit iluarismaarneqarpoq. Siunnersummi kapitali 8-mi ikorsiissutit pillugit inuk innarluutilik nammineq angerlarsimaffimmini najugaqarpat inuttut ikiorserneqarnissaminut isumassorneqarnissaanullu periarfissaqaqartoq allassivoq.

5.2.2. siunnersummi pineqartut tak. §§ 6-7 – Inuit innarluutillit.

Siunnersummi § 6 immikkut eqqumaffigalugu ataatsimiititaliami oqaluuserineqarlunilu suliarineqarpoq.

Pineqartunut malittarisassat annertusineqarsimaneri naammagisimaarlugu ataatsimiititaliamit maluginiarneqarpoq, taamaalilluni ilaatigut utoqqalinersiallit utoqqalinersiaqalernissamut piffissap atuutilerfiani utoqqalinersiaqalersimasut inunnut innarluutilinnut ikorsiisarneq pillugu malittarisassanut ilaasutut paasineqarsinnaalerniassammata, tassami siunnersummi qanoq utoqqaatigineq malittarisassani apeqquaanngimmat, inuit innarluutillit pineqarmata ukiut apeqquaatinnagit. Taamaalilluni UPA 2014/64-imut aalajangiiffigisassatut siunnersuut, UPA 2014-imi tamakkiisumik akuerineqartup pisariaqarneratut isigalugu atortuulersinnejartariaqarpoq.

Siunnersummi § 6, imm. 2-mut tunngatillugu inuit innarluutillit, matumani *annertuumik innarluutillit* pineqaratik, inatsimmi matumani ikorsiissutinik pisartagaqalernissaasa inatsimmi ilanngunneqarnissaat nassuaatini oqaatigineqarmat ataatsimiititaliamit ilanngullugu maluginiarneqarpoq. Tassa imaappoq siunnersummi § 6, imm. 2 pineqartut ataatsimut inatsimmut siulianut sanilliullugu sullinniakkat inunnut innarluutilinnut malittarisassat

naapertorluginnunniit qinnuteqarnissamut ikiorserneqarnissamulluunniit periarfissaqarput.

5.2.2.1. Meeqqat innarluutillit immikkut – Siunnersuummi § 7.

Meeqqat innarluutillit illorsoriarsinnaanatik qajannartumillu inisisimapput, taamaattumik meeqqanut innarluutilinnut ataqatigiissaakkamik suliniuteqarnissap, meeqqanut ikorsiisarneq pillugu malittarisassanut atuuttunut ilaasut siunnersuummi § 7-imi ersarissaaviginiarneqarmata ataatsimiititaliamit naammagisimaarneqarpoq.

5.2.3. Qaqgukkut innuttaasoq inatsisisstatut siunneruummi matumani ilaatinneqassava?

Inuk innarluuteqarpat malittarisassat atorneqarsinnaasut siunnersuummi § 6-imi aalajangersagaavoq.

Inunnut innarluutilinnut maanna malittarisassat nunatsinni innuttaasunut qaqgu atuutilersinneqassanersut isummerfigineqarnissaannut kommunini oqartussaasunit isummerfigineqarnissaa, tamatumalu kingorna *inuit innarluutillit pisariaqartinnejartumik kommunalbestyrelsimit tapersersuisarnissaat* ataatsimiititaliamit isummerfigineqarpoq, innuttaasullu kommunini assigiinngitsuni apeqqutinut taakkununnga atatillugu assigiinnersumik suleriuseqarnissamut nalilersuisarnissamullu kommuninit assigiinngitsunit qanoq qulakkeerneqarsinnaanersoq, malittarisassani matumani innuttaasoq ilaatinneqarnissaanut anniaatit, arlaannik eqqorneqarsimasut imaluunniit nappaateqalernermik kinguneqartut ilanngullugit inuit innarluutillit tapersersorneqarnissaat pillugu siunnersuummi § 8, imm. 1 ataatsimiititaliamit isummerfigineqarpoq.

Tamatumunnga atatillugu siunnersuummi § 22 kapitali 4, tamatuma kingunerisaanik innuttaasup qanoq annertutigisumik innarluuteqarnera apeqqutaatillugu malittarisassat maanna atuuttut aallaavigalugit innuttaasup tapiissutisisinnaanera communalbestyrelsi aalajangiinissamut pisinnaatitaaffini naapertorlugu aalajangiisinnaasoq ataatsimiititaliamit maluginiarneqarpoq.

Sianissutsikkut timikkulluunniit innarluuteqarneq inunnguusaasinnaavoq, inummulli assersuutigalujgu ajutoornikkut napparsimanikkullu takkussinnaasarluni. Innarluutit ilaat erninermi tamatumaluunniit kingunitsianngua suussusersineqarsinnaasarpus, meeqqanuli innarluuteqariaatsit allat ilaat meeraanermi inuusuttunngorermiluunniit aatsaat suussusersineqarsinnaasarlutik. Tanikkut nappaateqarneq innarluuteqarnerluunniit inunnguusaasinnaapput, amerlasuutigilli inuusuttunngorermi inuunerulluunniit ingerlanerani kingusinnerusukkut takkussinnaasarlutik. Nappaat annertusiartorsinnaavoq, peqqinnissaqarfimmi suussusersiinerit aallartinneqartarlutik, piffissallu ingerlanerani timip pisinnaasaanik annaasaqarnermik kinguneqarsinnaasarluni sianissutsillu annikillisinnaasarlutik.

Nappaaterpassuit nappaataapput annertusiartortartut, arriitsumik immikkut tamarmik annertusiartortartut, assersuutigalugu timi ajorsiartuinnarsinnaasarluni, taamaasilluni piffissap ingerlanerani inuttut innarluutilittut pissuseqalersinnaasarluni. Sklerose, muskelsvind aamma gigterneq tamatumunnga takussutissaasinnaapput. Tamatumunnga ilanngullugu puigortunngortut sianissutsikkut sanngiilliartuinnartut ataatsimiitaliamit eqqaaneqarsinnaapput. Innuttaasut akornanni sukkortorpassuupput, ajornerpaagaangami timikkut kingunerluuteqalerermik soorlu sianissusermik timikkullu avatitigut annasarnermik kinguneqarsinnaasartunik.

Naalliuuteqarpugut aamma assersuutigalugu qanittumut ungasissumulluunniit isigiarsunnermik, inuit taama eqqugaasut isiluutinik taaneqartunik eqqugaasimasut ullui iluamik ingerlasinnaasaristik, naalliuutaat isarussanik, kontaktlinceinik imaluunniit suliaritinnikkut ikorserneqanngikkunik.

Inunnut innarluutilinnut ikorsiisarneq pillugu maleruagassat maannakkut atuuttunut inuit nappaatinik taaneqartunik naalliuutillit qaqgukkut pineqarnersut kiisalu kommunit assigiinnerusumik paasinnittalernissaasa sulissutigineqarnissaanut qulakkeerisoqarnissaapeqqutaaginnalerpoq?

Siunnersummi § 8, imm. 1 aamma siunnersummi § 22 innersuussutigalugit inunnut innarluutilinnut ikorsiisarneq pillugu malittarisassani qanoq ilinikkut ilanngunneqarsinnaanersut qanorlu kinguneqassanersoq pillugu ataatsimiitaliap qisuarialtaanut tunngatillugu Peqqissutsimut, Isumaginninnermut, Inatsisinillu Atuutsitsinermut Naalakkersuisumut ataatsimiitaliaq apeqquteqarpoq. Apeqquteqaammunut 1-6-imut akissutigineqartoq Ilanngussaq 3 ataatsimiitaliamit innersuussutigineqassaaq. Tamatumunnga atatillugu apeqquteqaammunut akissutigineqartoq ataatsimiitaliamit tusaatissatut tiguneqarpoq.

Siunnersummi §§ 6-7 innersuussutigalugit inuit innarluutillit pisortanit sukkasumik akuerineqarlutik nalunaarsorneqartalernissaat ataatsimiitaliamut pingaaruteqartorujussuuvoq, taamaaliornikkut inuit pineqartut inuttut pisariaqartitsineq naapertortulugu sutigut tamatigut ikorserneqarnissamut pisariaqartitsisut ikorserneqarsinnaaqquillugit. Inuit innarluutillit pineqartillugit assersuutigalugu peqqinnissakkut, isumaginnikkut imaluunniit atuarfeqarfik pillugu pisortanit akuerisaasumik aallaqqaataaniit aallartittoqassatillugu pisortaqarfinniit pisortaqarfinnut uteqattaartarnerit ilaquaasut amerlasuut misigisarpaat.

5.2.4. siunnersummi kapitali 2 – *Piginnaasat akisussaaffillu* pillugit

Kommunit tapesiinissamut periarfissanik pisariaqartunik peqarnissaannut kommunit qularnaveeqqusinerinut atatillugu, inunnut innarluutilinnut tapesiinissamut periarfissanik

pisariaqartunik peqarnissaa qulakkiissallugu kommunit ataasiakkaat akisussaaffigigaat ataatsimiititaliamit maluginiarneqarpoq.

Siunnersummi § 8, imm. 2-mut atatillugu kommunit najugaqarfissatut neqeroorutinut atatillugu, matumani ilanngullugu najugaqarfiit najugaqaqarfiillu illersugaasut pineqartumi suleqatigiittoqarnissaanut periarfissaqartoq oqaaseqaatinini allassimasoqarnera naammagisimaarlugu ataatsimiititaliamit maluginiarneqarpoq.

Suleqatigiinnerit taamaattut ataatsimiititaliap tapersorsorpai, pineqartunilu pisariaqartoq isumaqarficalugu, taamaaliornikkut pineqartumi nukiit piginnaasallu qaffassarneqarsinnaaqqullugit.

Inunnut innarluutilinnut pisariaqartunik tapersiinissamut periarfissanik qulakkeerinninnissaq siunertalarugu siunnersummi § 8 naapertorlugu communalbestyrelsit akisussaaffigigaat ersarilluinnartumik allassimavoq. Tapersiinissamut periarfissat ilagaat najugaqarfinni illersugaasuni aamma najugaqarfinni aamma najugaqaqatigiiffinni sukkulluunniit najugaqarnissamut neqerooruteqartoqartarnissaanut qulakkeerinninnissamut pisussaaffiliisoqarmat.

Pineqartumi malittarisassani atuuttuni § 9-mut siunnersuut ataatsimiititaliamit ilisarineqarsinnaavoq, tassani allassimavoq *Inunnut innarluutilinnut ulloq unnuarlu neqeroorutini inissat pisariaqartinneqartutut amerlassuseqarnissaat Naalakkersuisut isumagissavaat.*

Meeqqat tapersorsorneqarnissaat pillugu Inatsisartut inatsisaanni nr. 20, 26. juni 2017-imeersumi § 33, imm. 1-im i alajangersagaq assingusoq ataatsimiititaliamit nassaarineqarpoq, tassani allassimavoq, *Ulloq unnuarlu paaqqinnifinni inissat pisariaqartinneqartutut amerlassusillit pigineqarnissaat Naalakkersuisut isumagisassaraat, tassunga ilanngulligit ulloq unnuarlu paaqqinnifiti immikkoortortaqarfiini isumannaallisakkani inissat.*

Siunnersummik matuminnga suliaqarnermut atatillugu siunnersummi § 9 pillugu ataatsimiititaliaq apeqquteqarpoq, tamatumunngalu atatillugu Ilanngussaq 1-im i apeqqut 4-mut akissuteqaat innersuussutigalugu.

Tamatumunnga atatillugu siunnersummi § 21 ataatsimiititaliamit innersuusutigineqassaaq, tamatuma kingueranik ulloq unnuarlu neqeroorutinut tunngatillugu nuna tamakkerlugu periusissiamik suliaqartoqassaaq tamannalu siullermik 2021-im i pissaaq. Pisariaqartitsineq, nutaaliornissamillu ujartuineq ataatsimiititaliamit tapersorsorneqartoq.

Siunnersummi §§ 11-12, nuna tamakkerlugu Innarluutilinnut Sullissivik Sisimiuni pilersinneqarsimasumut tunngatillugu ilusissaatut siunnersuutigineqartoq ataatsimiititaliamit

tusaatissatut tiguneqarpoq, ataatsimiititaliamiillu tusaatissatut tiguneqartut Ilanngussaq 3-mi apeqquteqaatinut 14-16-mut akissuteqaatit innersuussutigalugi, sungiusaqqittarnermullu tunngatillugu peqqinnissaqarfiup atuuffianut akisussaaffiinut tunngasut nassuiardeqarnerat ilanngullugu.

5.2.5. Siunnersuut pillugu ingerlaqqinneq.

Siunnersuut annertuvoq, inunnulu innarluutilinnut tunngatillugu malittarisassanik pisinnaatitaaffiinullu communalbestyrelinut kommunillu aqutsinerinut miserratissaanngitsumik annertuumik piumasaqaateqarfiulluni.

Kommunini inunnik ilinniarsimasunik pisariaqartitanik tigumminniinnarsinnaaneq attassiinnarsinnaanerlu eqqarsaatigalugit malittarisassanik aqutsineq taamaalillunilu inuit innarluutillit pineqartut pisinnaatitaaffiisa atugaasalu attatiinnarneqarsinnaaneri ataatsimiititaliamit ernumanartoqartinneqarpoq.

Ataatsimiititaliap ernumassuteqarnerata kingunerisaanik, nakkutilliinermut atatillugu ataatsimiititaliaq arlalinnik apeqquteqarpoq, tak. Ilanngussaq 3-mi akissut, nr. 19-20, ataatsimiititaliamit tusaatissatut tiguneqartumi.

Ataatsimiititaliap apeqqutaanut nr. 33-imut Ilanngussaq 3-mi akissutigineqartumi siunnersuutip sunniutigisinnaasanik nalilersuinermi ataatsimiititaliamit qitiutinnejarpoq. Aalajangiiffigisassatut siunnersummi UPA 2019/48-mut Naalagaaffiit Peqatigiit Innarluutillit Pillugit Isumaqtigiiressutaanut attuumassuteqartoq akissuteqaammi innersuussutigineqarpoq. Ataatsimiititaliap apeqqutaanut nr. 33-imut akissuteqaat UPA 2019/48-mut aalajangiiffigisassatut siunnersuut inaarutaasumik akuerineqartutut isigineqassaaq.

5.2.6. Siunnersummi Kapitali 12 tikeraarluni angalanerit pillugit immikkut.

Siunnersummik siullermeineremi aamma siunnersummik ataatsimiititaliap nalilersuinerani siunnersummi Kapitali 12 tikeraarluni anglasarnerit sammineqarput. Tikeraarluni angalasarnerit isumaliutissiissummi matumani Ilanngussaq 3-mi ataatsimiititaliap apeqquteqaataanut 29-31-imut akissutigineqartut innersuussutigineqassapput.

Tikeraarluni angalaneremi pisinnaatitaanermut tunngatillugu siunnersummi ukiut apeqqutaatinnejartut ataatsimiititaliamit maluginiarnejarpoq. Pingaartumik inunnut annertuumik innarluutilinnut, sianissutsimikkut annertuumik innarluutilinnut ajornartorsiutaalersinnaammat, ukiorisanut sanilliullugu sianissutikkut ukiorisat ineriarnerlu imminnut attuumassuteqanngimmata. Inuk innarluutilik 30-inik amerlanerusunilluunniit ukioqarsinnaavoq sianissutsikulli ineriarternikkut tallimanik ikioqartutut pissuseqarsinnaalluni. Tamanna siunnersummi saqqummiunnejartumi malittarisassanut tunngatillugu ajornartorsiutaavoq.

Siunnersuummi § 54 ataatsimiititaliamit sukumiisumik oqaluuserineqarput. Inunnut pineqartunut tunngatillugu, pineqartut 24-t ataallugit imaluunniit qaangerlugit ukiullit § 54 imm. 3 nappertorlugu immikkoortinnejassanngitsut ataatsimiititaliamit naalakkersuinikkut isumaqarfigineqarpoq. § 54 naapertorlugu pisinnaatitaaffeqaraanni aamma taanna 24-inik ukioqalereernermermi attiinnarneqassaaq.

Tamatuma kingunerisaanik § 54-imut siunnersummut allannguutissatut siunnersummik Naalakkersuisut saqqummiusseqqullugit ataatsimiititaliamit kaammattorneqarput, taamaaliornikkut ataatsimiititaliap kissaataa naammassineqarsinnaaqqullugu aammalu 24-inik ukioqalereersimagaluaraanniluunniit pisinnaatitaaffik tamanna annaaneqassanngimmat.

5.2.7. Siunnersuutip aningaasatigut kingunerisassai

Siunnersuutip piviusunngortinneqarnissaanut aningaasatigut kingunerisassai siunnersuummi nalinginnaasumik oqaaseqaatini allaaserineqarput, tamatumunngalu iluarsiissut innersuutigineqarlutik.

Siunnersuutip aningaasatigut kingunerisassai pillugit allattorsimafinni skema atorneqartoq nalinginnaasumik oqaaseqaatini eqikkarneqarsimapput.

Aningaasartuutaanerusussat mio. kr.	2020	2021	2022	2023
Inunnut innarluutilinnut Sullissivik Nunamut Tamarmut Atuuttoq	2,1	2,1	2,1	2,1
Oqilisaassivimmuinneq	5,1	5,1	5,1	5,1
Nuunnissamut ikorsiissutit	0,5	0,5	0,5	0,5
Illersorti	4,5	4	4	4
Allaffissornikkut kingunerisassat nalinginnaasut	4	4	4	4
Inunnut innarluutilinnut siunnersuisooqatigiit, inunnut innarluutilinnut politikkit aamma pitsaassusissanut malitassat	1,5	1,5	1,5	1,5
Tikeraarluni angalasarnerit	1,0	1,0	1,0	1,0
Nakkutilliinerup patajaallisarnera	2,75	2,75	2,75	2,75

Piviusunngortitsinermi allaffisornermut malitseqartitsinermullu aningaasartuutaanerusussat	1,5	2	1,5	1,5
Inatsimmik nalunaarutinillu pivi-usunngortitsinermi aningaasartuutaanerusut	3,1	3,6	3,1	2,1
Katillugit	26,1	26,6	25,6	24,6
Sanaartornermut aningaasartuutit	1,5	1,5		

Oqaaseqaatini saqqummiunneqartut ataatsimiitaliamit tusaatissatut tiguneqarput, siunnersuutillu aningaasatigut allaffissornikkullu kingunerisassai missingersorlugit naliliivigineqarneri apeqqummut 5-imut akissuteqaammi Ilanngussaq 1-imi allanneqarsimasoq ilanngullugu innersuussutigalugu. Pineqartumi ilisimasat nukitorsarneqarnissaat paasissutissanillu katersinissamut pisariaqartitsisoqarnera ataatsimiitaliamit ilanngullugu erseqqissarneqassaaq.

5.2.8. Ataatsimiitaliap suliarinninneranik eqikkaaneq.

Inatsisissartut siunnersuut annertoorujussuaq tamakkiisumillu isiginnittoq pineqarpoq.

Ungasinnerusoq isigalugu siunnersummi naleqqutinngitsumik

pissusissamisuunngikkaluartoq ataatsimut isigalugu siunnersuut pissutsinut piviusunut misilinneqartariaqartoq ataatsimiitaliamit isumaqarfingeqarpoq.

Inuit Innarluutillit Illersuisuata aamma innarluutillit illersuisoqarfiata TILIOQ-p sulinerata nanginneqarnissaa ataatsimiitaliamit qilanaarineqarpoq. Qularutigineqassanngilaq innarluutillit Illersuisuannit nalunaarusianik ajornartorsiutinillu nalunaarutinik takuttoqassasoq, tamatumalu kinguneranik oqallinnissamut isumaliutersuuteqarnissamillu pissutissaqalersitsisunik kiisalu Innarluutilinnut tunngasuni paasinninneq tunngavigalugit pitsanngorsaatnik pisariaqartinneqartunik naleqqussaanissamillu suliniuteqarnissamik takuttoqanngitsoornaviarani.

Innarluutilinnut tunngasut NIIK-miit allaniillu innarluutillit kattuffiiniit ilaquaasunut atugassarititaasut innarluutilinnullu tunngasut ataatsimut isigalugit qanimut malinnaavigineqarnerat ataatsimiitaliamit ilanngullugu ilisimaneqarpoq. Isorinnilluni takunissinnaaneq pisariaqartinneqarpoq, pineqartumi pisariaqartitsineq naapertorlugu iluarsiissuteqartoqartarsinnaaniassammat nalimmassaasoqarlunilu. Taamaattumik innarluutillit peqatigiiffiinik innarluutillit kattuffiinik atuuttunik pissusissamisoortumik suleqateqarnissaq ataatsimiitaliamit qilanaarineqarpoq.

6. Ataatsimiititaliap inassuteqaatai

Tikeraarluni angalanernut tunngatillugu ataatsimiititaliap kaammattuutaanut Naalakkersuisut allannguutissatut siunnersuummik saqqummiussippata siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiissumilu allassimasunut paasinnilluni ataatsimiititaliap siunnersuut aappassaaniigassanngortippaa.

Laura Táunâjik
Siulittaasoq

Stine Egede
Siulittaasup tullia

Nivi Olsen

Karl-Kristian Kruse

Malene Vahl Rasmussen

Aqqa Samuelsen

Mikivsuk Thomassen